

儀

禮

儀禮卷第十一

喪服第十一

子夏傳

鄭氏注

喪服斬衰裳苴經杖絞帶冠繩纓菅屨者

者

明爲下出也凡服上曰衰下曰裳麻在首在要皆曰經經之言實也明孝子有忠實之心故爲制此服焉首經象緇布冠之缺項要經象大帶又有絞帶象革帶齊衰以下用布

傳曰斬者何不緝也苴經者麻之有蕢者也

苴經大搗左本在下去五分一以爲帶齊衰

之經斬衰之帶也去五分一以爲帶大功之

經齊衰之帶也去五分一以爲帶小功之經  
大功之帶也去五分一以爲帶總麻之經小  
功之帶也去五分一以爲帶苴杖竹也削杖  
桐也杖各分其心皆下本杖者何爵也無爵  
而杖者何擔主也非主而杖者何輔病也童  
子何以不杖不能病也婦人何以不杖亦不  
能病也絞帶者繩帶也冠纓纓條屬右縫冠  
六升外畢鍛而勿灰衰三升菅屨者菅菲也

外納居倚廬寢苦枕塊哭晝夜無時歆粥朝

一溢米夕一溢米寢不說經帶既虞翦屏柱

楣寢有席食䟽食水飲朝一哭夕一哭而已

既練舍外寢始食菜果飯素食哭無時盈手曰攝

攝扼也中人之扼圍九寸以五分一為殺者象五服之數也爵謂天子諸侯卿大夫士也

無爵謂庶人也擔猶假也無爵者假之以杖尊其為主也非主謂衆子也屬猶著也通屈

一條繩為武垂下為纓著之冠也布八十縷為升升字當為登登成也今之禮皆以登為

升俗誤已行久矣雜記曰喪冠條屬以別吉凶三年之練冠亦條屬右縫小功以下左縫

外畢者冠前後屈而出縫於武也二十兩曰  
溢爲米一升二十四分升之一楮謂之梁柱

楮所謂梁闇踞猶麤也舍外寢於中門之外

屋下壘壘爲之不塗壘所謂堊室也素猶故

也謂復平生時食也斬衰不書受月

者天子諸侯卿大夫士虞卒哭異數

爲父何以斬衰也父至尊也諸侯爲天子傳

曰天子至尊也君傳曰君至尊也天子諸侯及卿大夫

有地者皆曰君父爲長子不言適子通上下傳曰何

以三年也正體於上又乃將所傳重也庶子

不得爲長子三年不繼祖也此言爲父後者然後爲長子三

年重其當先祖之正體又以其將代已爲宗廟主也庶子者爲父後者之弟也言庶者遠別之也小記曰不繼祖與禰此爲人後者傳但言祖不言禰容祖禰共廟

曰何以三年也受重者必以尊服服之何如而可爲之後同宗則可爲之後何如而可以爲人後支子可也爲所後者之祖父母妻妻

之父母昆弟昆弟之子若子若子者爲所爲後之親如親子

妻爲夫傳曰夫至尊也妾爲君傳曰君至尊

也妾謂夫爲君者不得體之加尊之也雖士亦然女子子在室爲父

女子者子女也別於男子也言在室者謂已許嫁布總箭筭髮衰三

年此妻妾女子子喪服之異於男子者總束髮謂之總者既束其本又總其末箭筭篠

竹也髮露紛也猶男子之括髮斬衰括髮以麻則髮亦用麻以麻者自項而前交於額上

卻繞紛如著慘頭焉小記曰男子冠而婦人笄男子免而婦人髮凡服上曰衰下曰裳此

但言衰不言裳婦人不殊裳衰如男子衰下如深衣深衣則衰無帶下又無衽傳曰

總六升長六寸箭筭長尺吉筭尺二寸總六升者

首飾象冠數長六寸謂出紛後所垂為飾也子嫁反在父之室為

父三年謂遭喪後而出者始服齊衰期出而虞則受以三年之喪受既虞而出則

小祥亦如之既除喪而出則已凡女行公士  
於大夫以上曰嫁行於士庶人曰適人

大夫之衆臣爲其君布帶繩履

士卿士也公卿大夫厭於

天子諸侯故降其衆臣布帶繩履貴臣得伸不奪其正

傳曰公卿大夫

室老士貴臣其餘皆衆臣也君謂有地者也

衆臣杖不以即位近臣君服斯服矣繩履者

繩非也

室老家相也士邑宰也近臣鬮寺之屬君嗣君也斯此也近臣從君喪服

無所降也繩非今時不借也

䟽衰裳齊牡麻經冠布纓削

杖布帶䟽屨三年者

䟽猶麤也

傳曰齊者何緝也



牡麻者臬麻也牡麻經右本在上冠者沾功

也疏屨者薦蒯之非也

沾猶麤也冠尊加其麤功大功也齊衰

不書受月者亦天子諸侯卿大夫士虞卒哭異數

父卒則爲母尊得伸也

繼母如母傳曰繼母何以如母繼母之配父

與因母同故孝子不敢殊也

因猶親也慈母如母

傳曰慈母者何也傳曰妾之無子者妾子之

無母者父命妾曰女以爲子命子曰女以爲

母若是則生養之終其身如母死則喪之三

年如母貴父之命也

此土謂大夫士之妾妾子之無母父命為母子

者其使養之不命為母子則亦服庶母慈已之服可也大夫之妾子父在為母大功則士之妾子為母期矣

父卒則皆得伸也

母為長子傳曰何以三年

也父之所不降母亦不敢降也

不敢降者不敢以已尊降

祖禰之正體

䟽衰裳齊牡麻經冠布纓削杖布帶

䟽履期者傳曰問者曰何冠也曰齊衰大功

冠其受也總麻小功冠其衰也帶緣各視其

冠

問之者見斬衰有二其冠章不知其冠之異同爾緣

如同今齊衰有四如深衣之緣今

文無冠  
布纓

父在爲母傳曰何以期也屈也至尊

在不敢伸其私尊也父必三年然後娶達子

之志也妻傳曰爲妻何以期也妻至親也適

父在則爲妻不杖以父爲之主也服問曰君

所主夫人妻大子適婦父在子爲妻以杖卽

庶子出妻之子爲母出猶去也傳曰出妻之子爲

母期則爲外祖父母無服傳曰絕族無施服

親者屬出妻之子爲父後者則爲出母無服

傳曰與尊者爲一體不敢服其私親也在旁而及

曰施親者屬母  
子至親無絕道

父卒繼母嫁從爲之服報傳

曰何以期也貴終也

嘗爲母子  
貴終其恩

不杖麻屨者

此亦齊衰言  
其異於上

祖父母傳曰何以期也至尊也

世父母叔父母傳曰世父叔父何以期也與

尊者一體也然則昆弟之子何以亦期也旁

尊也不足以加尊焉故報之也父子一體也

夫妻一體也昆弟一體也故父子首足也夫

妻牀合也昆弟四體也故昆弟之義無分然

而有分者則辟子之私也子不私其父則不

成爲子故有東宮有西宮有南宮有北宮異

居而同財有餘則歸之宗不足則資之宗世

母叔母何以亦期也以名服也宗者世父爲小宗典宗事

者資取也爲姊妹在室亦如之大夫之適子爲妻傳曰何

以期也父之所不降子亦不敢降也何以不

杖也父在則爲妻不杖大夫不以尊降適婦者重適也凡不降者

謂如其親服服之降有四品君大夫以尊降公子大夫之子以厭降公之昆弟以旁尊降

爲人後者女子  
子嫁者以出降  
**昆弟**  
昆兄也爲姊妹  
在室亦如之  
**爲衆子**

衆子者長子之弟及妾子女子  
之士謂之衆子未能遠別也大夫則謂之庶  
子降之爲大功天子國君不服之內則曰冢  
子未食而見必執其右手適子庶子已食而  
見必循  
**昆弟之子傳曰何以期也報之也**  
檀弓

曰喪服兄弟之子猶  
子也蓋引而進之  
大夫之庶子爲適昆弟

兩言之者適子  
或爲兄或爲弟  
**傳曰何以期也父之所不降**

**子亦不敢降也**  
大夫雖尊不敢降其適重之  
也適子爲庶昆弟庶昆弟相

爲亦如大  
夫爲之  
**適孫傳曰何以期也不敢降其適**

也有適子者無適孫孫婦亦如之

周之道適子死則立

適孫是適孫將上爲祖後者也長子在則皆爲庶孫耳孫婦亦如之適婦在亦爲庶孫之婦凡父於將爲後者非長子皆期也

爲人後者爲其父母報傳

曰何以期也不貳斬也何以不貳斬也持重

於大宗者降其小宗也爲人後者孰後後大

宗也曷爲後大宗大宗者尊之統也禽獸知

母而不知父野人曰父母何算焉都邑之士

則知尊禰矣大夫及學士則知尊祖矣諸侯

及其太祖天子及其始祖之所自出尊者尊

統上卑者尊統下大宗者尊之統也大宗者

收族者也不可以絕故族人以支子後大宗

也適子不得後大宗都邑之士則知尊禰近

始祖者感神靈而生若稷契也自由也及始

祖之所由出謂祭天也上猶遠也下猶近也

收族者謂別親疏序昭穆大傳曰繼之以姓

而弗別綴之以食而弗殊雖百世昏姻不通  
然也  
女子子適人者為其父母昆弟之為  
父後者傳曰為父何以期也婦人不貳斬也



婦人不貳斬者何也婦人有三從之義無專用之道故未嫁從父既嫁從夫夫死從子故父者子之天也夫者妻之天也婦人不貳斬者猶曰不貳天也婦人不能貳尊也為昆弟之為父後者何以亦期也婦人雖在外必有歸宗曰小宗故服期也

從者從其教令歸宗者父雖卒猶自歸宗

其為父後服重者不自絕於其族類也曰小宗者言是乃小宗也小宗明非一也小宗有四丈夫婦人之為小宗繼父同居者傳曰何各如其親之服辟大宗